

որ կապուած է թեթեակի յետևի կողմից. զօտիկի գագաթն էլ զարդարուէն: Երևում են նրանց ներքնագգեստի նեղ թեւերը, բազկի մօտ աւելի սեղմուած. ներքնագգեստի վերայից ձգուած է բարակ և արձակ վերնագգեստ: Գմբեթի տակի կիներ գլխին նոյն զօտիկն ունի. միայն պարանոցի տակից կապուած է մի լաթով, իսկ լաչակն իջնում է ուսերի վերայ: Աղջիկների գլխի կապն ու զարդը յիշեցնում է Լեոն Գ. ի և Կեռանի աղջիկներին, միայն ոչ նոյնչափ շքեղ, կամ նման է ներկայումս Ախալցխայի և աւելի մօտ Փամբակի կանանց գլխի զարդարանքին: Նոյնն է և բունուորի կնոջ Տղատիկնոջ գլխի զարդարանքը, որ հրատարակել է Հացունին իւր Հայ Տարազի մէջ, եր. 218 և մենք Իգնատիոս Մանրանկարիչ և Ծոթոկանց Տոհմը աշխատութեան մէջ (Աս, եր. 29): Ծառի վերայից աղջիկների հետ խօսող երիտասարդը ճիշդ նոյն զգեստն ու կօշիկներն ունի, ինչ որ ձուկ բերող Ծերենիկն ունէր, միայն առանց գլխարկի և կողքից կախուած թաշկինակի, ասել է, թէ որոշ դասի երիտասարդներին յատուկ ըզգեստ էր այդ: Երկրորդ ձիթենու վրայ ևս մի պատանի է բարձրացել և կացնով ճիւղեր է կտրատում. նա հագել է մինչև զօտին հասնող ելակ. նորա տակից ծալքաւոր բաճկոնակ, որ մինչև ծնկներն է հասնում, ապա նեղ և կարմիր անդրափարտիկ, ոլոքների մօտ սեղմ և զարդարուն, զուցէ և փաթթանով պատած. ոտքերը անկրունկ և առանց ճիւղի կօշիկ, զուցէ տրեխ:

Ամբողջ մանրանկարն առնուած է զընդակների շարքից բաղկացած և երկու գծով եղբուած շրջանակի մէջ:

Երկրորդ մեծ մանրանկարը 17 ա. (պատկեր 4) Լնծայականն է, $21 \times 14 \frac{1}{2}$ սն. մեծութեամբ. խմբանկարի կեդրոնում կանգնած է Յիսուս, իսկ կողքերից աւետարանն ընծայաբերող Սահակ Անեցին և իւր եղբայրը Առաքել: Յիսուս երկու անգամ բարձր է, քան կողքին կանգնած եղբայները, մի միջոց նրա մեծութիւնը արտայայտելու, որ գործադրում էր և ընդզանդական մանրանկարչութեան մէջ. հագել է նա երկար, մինչև բորիկ ոտները հասնող տունիկայ.

վերան ձգել է կարմիր երկար տողայ ձախ թեւի վերայով, մի ծայրը մէջքին փաթած և բռնած ձախ ձեռքում: Նոյն ձեռքում բռնել է և կաղմած, բաց աւետարան, ոսկի տառերով «Ես եմ լոյս աշխարհի, որ գայ առ իս ևն.» գրած. ոսկեղօծ են և աւետարանի թերթերի եզրները, կողքից կախուած են կաղմի կողպիչները: Աջով խաչակնքում է: Մորուքը կարճ է և երկճիւղ, գլխի մազերը շագանակագոյն, որ իջնում են մէջքի վերայ և երևում են կողքերից: Բիսերը նուրբ և ծայրերը դէպի ցած թեքուած, շրթունքները կարմիր, բերանը կանոնաւոր, այտերը կեղրոնում թեթեւ կարմիր: Խաղաղ աչքերը ուղղուած են դիտողին: Գէմքի տպաւորութիւնը կենդանի է, բայց հանդարտ. գլխի շուրջը խաչազարդ, մեծ նիւբուս, կարմիր յատակի վերայ ոսկու փոշով ծածկուած:

Յիսուսի աջ կողմից կանգնած է մի զգեստաւորուած վեղարաւոր, որ վերան կապոյտ փիլոն է ձգել և որի առաջին քղանցքները շնորհալի կերպով ցած են իջնում, հայկական սովորութեան համեմատ. փիլոնի վերայից ձգուած է խաչազարդ եմփիորոն, ծայրերը ոսկեզարդով և ծոպերով վերջացած: Երկու ձեռքով, կարմիր թաշկինակի մէջ բռնել է ոսկեղօծ աւետարան, որ մատուցանում է Յիսուսին: Հագել է սեխն մօտեցող շապիկ, երկար՝ մինչև կարմիր և անկրունկ կօշիկներով ոտները: Մորուքը գորշ է և մեծ. բիսերը նոյնպէս ալեխառն. այտերը թեթեւ կարմիր, աչքերն ու յոնքերը սև և կանոնաւոր: Վեղարը սուր և հայկական, փեշերն առնուած փիլոնի տակ: Գլխի վերայ սև թանաքով և արևելեան բոլորգրով գրուած է. «Քս. որդի Աճյ ընկալ զքո սուրբ զաւետարանս ի մեղապարտես Սահակայ իւրև զխերեւեշն այրոյն և ողորմեա»:

Ձախ կողմից ձեռքերն աղաչաւորի նման պարզած է համեմատաբար աւելի երիտասարդ մի ֆիզուր, հագել է զօտեորած պարեգօտ, կամ երկար պատմուճան, կարմիր յատակի վերայ ոսկի ծաղիկներով. թեւերը չեն սեղմուած: Կօշիկներն անկրունկ են, երկու կտորից, գծերով իրարից որոշուած, նման Տբ-ի Ծերենիկի կօշիկներին, միայն առանց ծոպերի: Մորուքը մեծ է, ծայրից փոքր ինչ ձեղքուած և արդէն սպիտակել